



Rotonde na ex Piet's Soda Fountain a keda cla y trabou a cuminsa na Sta Cruz



A dura 10 dia pa caba cu e trabou na crusada di ex Piet's Soda Fountain, awo Rotonde ex Piet's Soda Fountain. Un trabou haci pa personal nan di DOW den ora nan di anochi pa mainta trempa. Aki a elimina e luznan di trafico por completo, diasabra anochi a punta e indicacionnan riba caminda pa asina automobilista nan sa. E trabounan aki a costa den alrededor di 30 mil florin cu ta hopi menos compara cu contratista.

DOW a pone banchi nan y tambe a pone algun klinkers pa asina embeyece e rotonde aki. DOW tabatin 14 persona pa 10 dia riba pia trahando anochi pa asina logra keda cla cune.

Diasabra anochi trabounan a cuminsa na e crusada di Sta Cruz, aki tambe lo bin un rotonde. Durante e trabou e crusada lo ta cera di 9or di anochi pa 5or mainta. Y ta spera cu den corto tempo e rotonde di Sta Cruz tambe lo keda cla.